



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77


N 91/20049

< 28 > 08 2022թ.

**Անի Հրայրի Աշյանի ներկայացուցիչ
Էդգար Գրիգորի Բաղենյանին
ք.Երևան, Ա.Մանուկյան 15ա, 2-րդ հարկ, 2/5 սենյակ**

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության վարչական բողոքների քննության բաժանմունքում իրականացված վարչական բողոքարկման վարույթի արդյունքում թիվ 8180149431 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<3>> թերթ:

**Պեպի պարտականությունների ժամանակավոր
կատարող, ոստիկանության գնդապետ՝**  **Ա.Մաթևոսյան**

Կատ. Գ. Կիրակոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 30.06.2022թ. կայացված թիվ 8180149431 որոշումն անփոփոխ, իսկ վարչական բողոքն առանց բավարարման թողնելու մասին

22.08.2022թ.

ք.Երևան

ՀՀ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս վերանայելով Անի Հրայրի Աշյանի ներկայացուցիչ Էդգար Գրիգորի Բադեմյանի (Ծանուցման հասցե՝ ք.Երևան, Ա.Մանուկյան 15ա, 2-րդ հարկ, 2/2 սենյակ) (Այսուհետ՝ դիմող) 22.07.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

30.06.2022թ. ժամը 01:05-ի սահմաններում Երևան քաղաքի Հրազդանի կիրճում քաղաքացի Անի Հրայրի Աշյանը վարել է <<Մերսեդես>> մակնիշի 50 АО 500 հաշվառման համարանիշի տրանսպորտային միջոցը՝ ոչ սթափ վիճակում:

Իրավախախտման փաստը ստուգմամբ հայտնաբերելուց հետո ՀՀ ոստիկանության պարեկային ծառայության 2-րդ գումարտակի 2-րդ վաշտի կրտսեր պարեկ Աշոտ Կարինյանի կողմից <<Ճանապարհային երթևեկության անվտանգության ապահովման մասին>> ՀՀ օրենքի (այսուհետ՝ ՃԵԱԱՄՕ) 24-րդ հոդվածի 7-րդ մասի <<ա>> կետի պահանջը խախտելու համար կազմվել է վարչական իրավախախտման վերաբերյալ արձանագրություն՝ <<Վարչական իրավախախտումների վերաբերյալ>> ՀՀ օրենսգրքի (Այսուհետ՝ ՎԻՎՕ) 126-րդ հոդվածի 1-ին մասի հատկանիշներով և 30.06.2022թ.-ին կայացվել է վարչական իրավախախտման գործով թիվ 8180149431 որոշումը՝ Անի Աշյանին տուգանելով 150.000 ՀՀ դրամի չափով:

Դիմողը 12.07.2022թ. դիմումով խնդրել է վերացնել ՀՀ ոստիկանության պարեկային ծառայության թիվ 8180149431 որոշումը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու

հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ:

Դիմումների քննարկման արդյունքում ձեռք բերված ապացույցների և փաստական տվյալների համադրմամբ պարզվել է, որ վարչական իրավախախտման գործով 30.06.2022թ. կայացված թիվ 8180149431 որոշումը ենթակա է կատարման՝ հետևյալ պատճառաբանությամբ և հիմնավորմամբ.

ՎԻՎՕ 251-րդ հոդվածի համաձայն վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

30.06.2022թ.-ի վարչական իրավախախտման վերաբերյալ արձանագրության ուսումնասիրությամբ պարզվել է, որ նույն օրը՝ ժամը 01:05-ի սահմաններում Երևան քաղաքի Հրազդանի կիրճում քաղաքացի Անի Աշյանը վարել է <<Մերսեդես>> մակնիշի 50 AO 500 հաշվառման համարանիշի տրանսպորտային միջոցը՝ ոչ սթափ վիճակում: Սթափության վիճակի զննությունն իրականացվել է թիվ 93000820 գործարանային համարի ալկոտեստեր սարքի միջոցով, և համաձայն նույն սարքավորման թիվ 02518 սթափության վիճակի զննության արձանագրության՝ դիմողի արտաշնչած օդի մեջ մաքուր ալկոհոլի պարունակությունը կազմել է 0,224 մգ/լ:

Թիվ 93000820 գործարանային համարի ալկոտեստեր սարքը՝ համաձայն թիվ 071971 ստուգաչափման վկայականի, ստուգաչափում անցած է՝ 13.06.2022թ.-ին և ուժի մեջ է մինչև 13.06.2023թ.-ը:

Վերոգրյալը հիմք է հանդիսացել << ոստիկանության պարեկային ծառայության ծառայողի համար՝ վարչական իրավախախտման գործով թիվ 8180149431 որոշման կայացման:

ՃԵԱԱՄՕ 24-րդ հոդվածի 7-րդ մասի <<ա>> կետը սահմանում է, որ վարորդին արգելվում է՝ **տրանսպորտային միջոցը վարել ոչ սթափ վիճակում:**

ՎԻՎՕ 126-րդ հոդվածի 1-ին մասի համաձայն՝ տրանսպորտային միջոցները ոչ սթափ վիճակում վարելը, եթե վարորդը միայն ալկոհոլի ազդեցության տակ է, և զանցանքը չի պարունակում սույն հոդվածի երկրորդից հինգերորդ մասերի

հատկանիշները՝ առաջացնում է տուգանքի նշանակում՝ սահմանված նվազագույն աշխատավարձի հարյուրիսնապատիկի չափով:

ՎԻՎՕ 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

ՃԵԱԱՄՕ 17-րդ հոդվածի 1-ին մասի <<ա>> կետի համաձայն՝ Ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:

Այսպիսով, Անի Աշյանի արարքում առկա են ՎԻՎՕ 126-րդ հոդվածի 1-ին մասի հատկանիշները, ուստի ելնելով վերոգրյալից և ղեկավարվելով ՎԻՎՕ 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.<< ոստիկանության պարեկային ծառայության վարչական իրավախախտման վերաբերյալ գործով 30.06.2022թ. թիվ 8180149431 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշման օրինակն ուղարկել դիմողին և << ոստիկանության պարեկային ծառայության Երևան քաղաքի գունդ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ << վարչական դատավարության օրենսգրքի 72-րդ հոդվածով սահմանված ժամկետներում:

Պետի պարտականությունների ժամանակավոր
կատարող, ոստիկանության գնդապետ՝



Ա.ՄԱԹԵՎՈՍՅԱՆ